

四部叢刊

分類補注李太白詩(二)

四部叢刊初編集部

李太白詩文
二

卷十一至卷二十五
分類編次文五卷

據商務印書館一九二六年版重印

四部叢刊初編（一〇六一—一〇七）

分類補註李太白詩（三冊）

唐李 白撰、元楊齊賢、蕭士贇註

上海書店印行

上海福州路四二四號

上海影印廠印刷



分類補註李太白詩卷之十一

贈

贈王判官時余歸隱居廬山屏風疊

昔別黃鶴樓蹉跎淮海秋俱飄零落葉各散

洞庭流中年不相見蹭蹬遊吳越何處我思

君天台綠蘿月

齊賢曰黃鶴樓在鄂州禹貢淮海維揚州兩浙皆吳越之地

會稽風月好却遶剡溪迴雲山海上出人

物鏡中來一度浙江北十年醉楚臺荆門倒

屈宋梁苑傾鄒枚苦笑我誇誕知音安在哉

齊賢曰九域志越州會稽郡剡溪在湘東南王羲之曰行山陰道上如鏡遊江陵有章華臺皆楚王所建荊州郡西實岸有山名荊門梁苑鄒枚事見前大盜割鴻溝

如風掃秋葉吾非濟代人且隱屏風疊中夜

天中望憶君思見君明朝拂衣去永與海鷗

群

齊賢曰大盜指祿山慶緒屏風疊在廬山

在水軍宴贈幕府諸侍御

永王軍中

月化五白龍翻飛凌九天胡沙驚北海電掃

洛陽川虜箭雨宮闕皇輿成播遷

齊賢曰天寶十四載

十一月甲子祿山以十五萬衆反范陽十二月丁酉陷洛陽十五載六月己亥陷京師元宗幸蜀

英王受廟畧秉鉞清南邊雲旗卷海雪

金戟羅江煙聚散百萬人弛張在一賢

士贊曰英

王指永王璘也事始末見八卷永王東巡歌鉞大斧也雲旗金戟並永王建節之義也鄭玄曰張弛以弓弩喻人也

霜臺降群彥水國奉戎旃繡服

開宴語天人借樓船如登黃金臺遙謁紫霞

仙齊賢曰霜臺謂侍御也水國江漢間也謝玄暉辭隨王子隆牋曰契闊戎旃從容燕

語燕昭王築黃金臺
在易水東南十八里

卷身編蓬下冥機四十

年寧知草間人腰下有龍泉浮雲在一決誓

欲清幽燕

齊賢曰編蓬戶也幽燕祿山
巢穴龍泉劍名楚王所造

願與

四座公靜談金匱篇齊心戴朝恩不惜微軀
捐所冀旄頭滅功成追魯連

贈武十七諤

并序

門人武諤深於義者也質木沉悍慕要離
之風潛釣川海不數數於世間事聞中原

作難西來訪余余愛子伯禽在魯許將冒
胡兵以致之酒酣感激援筆而贈

馬如一匹練明日過吳門乃是要離客西來
欲報恩笑開燕七首拂拭竟無言狄犬吠清
洛天津成塞垣愛子隔東魯空悲斷腸猿林
回棄白璧千里阻同奔君爲我致之輕齋涉

淮源精誠合天道不愧遠遊魂

齊賢曰要離事見前卷太

自有子伯禽以貞元八年不祿搜神後記臨
川東興有人入山得猿子歸猿母自後至其

家此人縛猿子於庭樹其母搏頰向人欲哀
乞此人竟殺之猿母悲喚自擲而死此人破
腹視之腸皆斷裂士贇曰太白詩意謂遭亂
之時不能與伯禽回奔而越在東魯今託武
諤以致之輕齎涉淮者屬付之辭也雖未保
其必達亦盡吾父子之情而已萬一不幸魂
其有知亦可無愧矣
此詩由衷之語也

贈閭丘宿松

阮籍爲太守乘驢上東平剖竹十日間一朝

風化清偶來拂衣去誰測主人情

齊賢曰簡文輔政阮

籍常從容言曰籍平生曾遊東平樂其風土
帝大悅即拜東平相籍乘驢到郡壞府舍屏

郭使內外相望法令清簡旬日而還帝引爲大將軍從事中郎夫子理宿松

浮雲知古城掃地物莽然秋來百草生飛鳥

還舊巢遷人返躬耕齊賢曰唐宿松縣隸舒州何慙宓子

賤不減陶淵明吾知千載後却掩二賢名齊賢

曰呂氏春秋宓子賤宰單父彈鳴琴不下堂而治今單父縣尚有琴臺即子賤鳴琴之所

陶潛爲彭澤令今江州彭澤縣是也

獄中上崔相渙士贊曰南豐先生叙曰明皇幸蜀王永王璘

軍敗丹陽太白奔亡至宿松坐繫尋陽獄宣使崔渙與御史中丞宋若愚

驗治以爲罪薄宜貰石若宓軍赴河
南遂釋白囚使謀其軍事上書肅宗
薦白才可
用不報

胡馬渡洛水血流征戰場千門閉秋景萬姓
危朝霜賢相燮元氣再欣海縣康台庭有夔
龍列宿粲成行羽翼三元聖發輝兩太陽應
念覆盆下雪泣拜天光齊賢曰三元聖元宗
肅宗廣平王是代宗
兩太陽元宗肅宗士贊曰高誘呂氏春秋註
曰羽翼輔佐也晉天文志曰爲太陽之宗人
君之象

中丞宋公以吳兵三千赴河南軍次
尋陽脫余之囚叅謀幕府因贈之

獨坐青天下專征出海隅九江皆渡虎三郡

盡還珠

齊賢曰宋均遷九江太守郡多虎暴嘗暮設陷穽白日虎豹在山鼃鼃在

水各有所託今爲民害咎在吏殘而勞勤張捕非優恤之本也其務退姦貪思進忠良可

一去檻穽其後傳言虎相與東遊渡江孟嘗遷合浦太守郡不牽穀實而海出珠與交趾

比境嘗通商販貨糴糧先時守宰多貪穢詭人貪求珠遂慚徙交趾郡界於是行旅不至

人物無資嘗到官革易前弊歲餘去珠復還

組練明秋浦樓船入

郢都風高初選將月滿欲平胡殺氣橫千里

軍聲動九區

齊賢曰左傳杜預註漆甲成組文袍練袍士贊曰記月令孟秋

之月天子乃命將帥選士勵兵簡練俊傑專任有功以征不義月滿欲平胡因其勤而應之兵應者勝有可平之理也禮記月令仲秋之月殺氣侵盛九區九服也白猿慙

劍術黃石借兵符戎虜行當剪鯨鯢立可誅

自憐非劇孟何以佐良圖

齊賢曰越女子遇白猿試劍術事見

前卷注兵書有黃石公三畧即張良所遇下邳老人也崔豹古今註雌曰鯢雄曰鯨

流夜郎贈辛判官

昔在長安醉花柳五侯七貴同杯酒氣岸遙

凌豪士前風流肯落他人後

齊賢曰長安唐京兆府長安縣

漢河平二年六月成帝封諸舅王譚平阿侯商成都侯立紅陽侯根曲陽侯逢高平侯五人同日封故世謂之五侯七貴謂吳霍上官趙丁傅王也

夫子紅顏我少

年章臺走馬着金鞭文章獻納麒麟殿歌舞

淹留玳瑁筵與君自謂長如此寧知草動風

塵起

士贊曰三輔黃圖曰未央宮有麒麟殿

函谷忽驚胡馬來

秦宮桃李向明開我愁遠謫夜郎去何日金

雞放赦回

齊賢曰正觀十六年置夜郎麗臯樂源三縣後爲夜郎郡王贊曰太

白詩意是指同時儕類如辛判官之輩因兵興之際不次被甲爲人桃李我獨遭謫也向明者向陽花木之義

金雞放赦事見前

贈劉都使

東平劉公幹南國秀餘芳一鳴即朱紱五十

佩銀章飲冰事戎幕衣錦華水鄉

齊賢曰魏文帝典論

東平劉楨字公幹漢儀銀印皆龜紐其文曰章

銅官幾萬人諍訟清

玉堂吐言貴珠玉落筆迴風霜而我謝明主

銜哀投夜郎

齊賢曰唐志宣州南陵縣武德四年隸池州州廢後析置義安

縣又廢爲銅官治華陽國志文翁爲蜀郡守造講堂作石室一名玉堂

歸家酒

債多門客粲成行
高談滿四座一日傾千觴
所求竟無緒裘馬欲摧藏
主人若不顧明發
釣滄浪

贈常侍御

安石在東山無心濟天下一
起振橫流功成復蕭灑
大賢有卷舒季葉輕風雅
匡復屬何

人君爲知音者

齊賢曰論語甯武子邦有道則仕邦無道則可卷而懷之

毛詩至于王道衰禮義廢政教失國異政家殊俗而變風變雅作矣士贊曰季葉季世也魏志十五年下令曰今天下未定此特求賢之急時也今天下得無未遇知音者乎傳

聞武安將氣振長平瓦燕趙期洗清周秦保

宗社登朝若有言爲訪南遷賈

齊賢曰漢書賈誼爲博士

天子議以任公卿之位絳灌東陽侯馮敬之屬盡言之天子不用其議以爲長沙王太傅南遷賈者時太白謫於夜郎自比於賈誼也意謂若登朝而有言不妨及之或者天幸如賈生之宣

室召回也